



Adresa: Ul. Hamdije Čemerlića 39.
71000 Sarajevo
<http://www.voda.ba>

tel. +387 33 726-422
fax. +387 33 726-423
e – mail: info@voda.ba

Broj: **UP-1/21-2-40-279-2/22**

Datum: **08.06.2022. godine**

„Agencija za vodno područje rijeke Save“ Sarajevo rješavajući po zahtjevu Investitora, „Holex“ d.o.o. Živinice, za izdavanje vodne saglasnosti na projektnu dokumentaciju kojom je obuhvaćena aktivnost ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju svježeg betonske mase, sa pratećim objektima i sadržajima predviđenih za gradnju na zemljištu označenom kao k.č. broj: 645/134 K.O. Kovači, Grad Živinice, na osnovu člana 114., a u vezi sa članom 139. stav (1) tačka 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 49/99), donosi

RJEŠENJE **o vodnoj saglasnosti**

1. Investitoru „Holex“ d.o.o. Živinice daje se vodna saglasnost na projektnu dokumentaciju kojom je obuhvaćena aktivnost ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju svježeg betonske mase, sa pratećim objektima i sadržajima predviđenih za gradnju na zemljištu označenom kao k.č. broj: 645/134 K.O. Kovači, Grad Živinice, a u skladu sa projektnom dokumentacijom:

- Glavni projekat snabdijevanja vodom i dispozicija otpadnih voda za potrebe izgradnje poslovnog objekta na, urađen od strane „Atrius projekt“ d.o.o. Živinice, broj projekta: 1-166-05/22, maj 2022. godine

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

2. Ova vodna saglasnost ne oslobađa podnosioca zahtjeva obaveze pribavljanja vodne saglasnosti za ispuštanje sanitarnih otpadnih voda za čije izdavanje je nadležno Ministarstvo poljoprivrede, šumarstva i vodoprivrede Tuzlanskog kantona, u skladu sa članom 139. stav 2. Zakona o vodama kao i saglasnosti i dozvola od strane drugih nadležnih organa u skladu sa drugim Zakonima.

3. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se ovjerena od strane ove Agencije u skladu sa odredbama člana 114. stav (3) Zakona o vodama vraća investitoru na trajno čuvanje.

4. Vodna saglasnost se daje pod slijedećim uslovima:

4.1. Radove na izgradnji objekata za prikupljanje, prečišćavanje i ispuštanje tehnoloških otpadnih voda sa platoa za pretovar betona, platoa za pranje mehanizacije, miksera, oborinskih voda sa platoa za skladištenje frakcija agregata, radno manipulativnih, skladišnih i parking površina koje sadrže suspendovane materije, čistih oborinskih voda sa krovova te sanitarnih otpadnih voda, izvesti u skladu sa ovjerenom projektnom dokumentacijom, navedenoj u tački 1. dispozitiva ovog Rješenja.

- 4.2. Nakon izvođenja radova sistema odvodnje i prečišćavanja tehnoloških otpadnih voda potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
- 4.3. Na odvodnom cjevovodu, neposredno iza separatora ulja i masti neophodno je izvesti posebno reviziono okno koje će služiti kao okno za uzimanje uzoraka (monitoring okno).
- 4.4. Obezbijediti da kvalitet prečišćene otpadne vode prije ispuštanja iste u prijemnik – potok Krivac bude u skladu sa tabelom 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije („Sl. novine FBiH“, br. 26/20, 96/20).
- 4.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.
- 4.6. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
- 4.7. Predvidjeti da se sav nastali otpad prikuplja u skladu sa važećim propisima o postupanju sa otpadom.
- 4.8. Manipulativnu površinu potrebno je izvesti sa odgovarajućim nagibima i pripadajućim slivnicima.
- 4.9. Sve kolizije sa postojećim instalacijama (elektroenergetske, telefonske, kanalizacije, i ostale infrastrukture) na lokaciji, ukoliko do takvih situacija tokom izvođenja radova dođe, rješavati će se uz saglasnost mjesnog nadležnog preduzeća, koje će dati tehničke uslove za izvođenje ovih radova.
- 4.10. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana na takvoj udaljenosti da ne mogu imati negativan uticaj na podzemne i površinske vode.
- 4.11. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 4.12. U okviru gradilišta riješiti prikupljanje i konačnu dispoziciju sanitarno-fekalnih otpadnih voda u skladu sa uslovima koje će propisati u rješenju o vodnoj saglasnosti nadležno Ministarstvo poljoprivrede, šumarstva i vodoprivrede Tuzlanskog kantona.
- 4.13. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.
- 4.14. Višak materijala iz iskopa koji će se pojaviti prilikom izvođenja zemljanih radova, a koji ne bude iskorišten za radove na izgradnji objekata, potrebno je odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
- 4.15. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 04/11-19-1475/2022 od 04.04.2022. godine izdato od strane Službe za urbanističko planiranje, komunalne, geodetske i imovinsko-pravne poslove Grada Živinice.
- 4.16. Objekti i sadržaji koji će se izgraditi moraju predstavljati jedinstvenu funkcionalnu cjelinu sa svim drugim izgrađenim objektima infrastrukture kojima upravlja investitor „Holex“ d.o.o. Živinice, a sve u cilju zaštite površinskih i podzemnih voda kako u kvantitativnom tako i u kvalitativnom smislu.
5. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
6. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret u skladu sa Zakonom o vodama.
7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
8. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine FBiH“ broj: 31/15, 55/19, 41/20).

9. Ova vodna saglasnost prestaje važiti istekom roka od dvije godine od donošenja ovog rješenja, ukoliko u tom periodu ne bude pribavljeno odobrenje za gradnju i započeta izgradnja objekata u skladu sa glavnim projektom iz tačke 1. dispozitiva ovog rješenja.

10. Ovo Rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor „Holex“ d.o.o. Živinice zatražio je izdavanje vodne saglasnosti na projektnu dokumentaciju kojom je obuhvaćena aktivnost ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju svježe betonske mase, sa pratećim objektima i sadržajima predviđenih za gradnju na zemljištu označenom kao k.č. broj: 645/134 K.O. Kovači, Grad Živinice.

U provedenom postupku, uz zahtjev za izdavanje vodne saglasnosti dostavljena je slijedeća dokumentacija:

A. Opća dokumentacija:

- Aktuelni izvod iz sudskog registra izdat od strane Općinskog suda u Tuzli - ovjerena kopija,
- Uvjerjenje o poreznoj registraciji od 16.09.2009. godine izdato od strane Kantonalnog poreznog ureda u Tuzli – ovjerena kopija,
- Obavještenje o razvrstavanju pravnog lica prema klasifikaciji djelatnosti, broj:04-32.5-1/11 od 21.02.2011. godine izdato od strane Službe za statistiku za područje Tuzlanskog kantona – ovjerena kopija,
- Uvjerjenje o registraciji/upisu u Jedinstveni registar obveznika indirektnih poreza, broj:04/1-17-1-32-252-3/09 od 26.08.2009. godine izdato od strane Uprave za indirektno-neizravno oporezivanje Banja Luka – ovjerena kopija,
- Saglasnost, broj:07-76-2/22 od 20.01.2022. godine izdata od strane JP „Vodovod i kanalizacija“ d.o.o. Živinice - ovjerena kopija,
- Obavijest, broj:02/1-19-002509/22 od 11.02.2022. godine izdata od strane Ministarstva prostornog uređenja i zaštite okolice Tuzlanskog kantona - ovjerena kopija,
- Uvjerjenje, broj:04/2-19-499/2022 od 24.01.2022. godine izdato od strane Službe za urbanističko planiranje, komunalne, geodetske i imovinsko-pravne poslove Grada Živinice – ovjerena kopija,
- Rješenje o urbanističkoj saglasnosti broj: 04/11-19-1475/2022 od 04.04.2022. godine izdato od strane Službe za urbanističko planiranje, komunalne, geodetske i imovinsko-pravne poslove Grada Živinice – ovjerena kopija,
- Rješenje o prethodnoj vodnoj saglasnosti, broj:UP-1/21-1-40-050-5/22 od 24.02.2022. godine izdato od strane Agencije za vodno područje rijeke Save, Sarajevo – kopija,
- Dokaz o uplaćenju federalnoj upravnoj pristojbi na zahtjev.

B. Tehnička dokumentacija:

- Glavni projekat snabdijevanja vodom i dispozicija otpadnih voda za potrebe izgradnje poslovnog objekta na,urađen od strane "Atrius projekt" d.o.o. Živinice, broj projekta: 1-166-05/22, maj 2022. godine

U provedenom postupku konstatovano je sljedeće:

➤ Parcela na kojoj je planirana izgradnja pogona za proizvodnju svježe betonske mase se nalazi u naselju Ciljuge u poslovnoj zoni "Ciljuge 2" u MZ Rudar, u urbanom području "Kovači" u Gradu Živinice u šestoj (VI-oj) zoni gradskog građevinskog zemljišta.

➤ U radnom krugu investitora „Holex“ d.o.o. Živinice planirana je izgradnja proizvodnog objekta za proizvodnju betona kapaciteta 10 m³/sat. Osnovna namjena betonare je proizvodnja svježeg betona potrebnih i zahtjevanih marki i kvaliteta betona koji će se transportnim sredstvima (automikserima) isporučivati krajnjim kupcima.

➤ Na predmetnoj lokaciji nema registrovanih izvorišta pitke vode niti utvrđenih zona sanitarne zaštite, što se potvrđuje uvjerenjem Službe za urbanističko planiranje, komunalne, geodetske i imovinsko-pravne poslove Grada Živinice izdato pod brojem:04/2-19-499/2022, od 24.01.2022.g.

- Od predmetne lokacije bezimeni potok udaljen je cca 200,00m, a recipijent potok Krivac udaljen cca 320,00m.
- Snabdijevanje vodom vršiti će se iz gradskog vodovoda, a saglasnost za priključenje na vodovodnu i kanalizacionu mrežu je izdalo JP „Vodovod i kanalizacija“ pod brojem: 07-76-2/22, od 20.01.2022. godine. Na predmetnoj parceli instalirano je vodomjerno okno u koje će se ugraditi dva vodomjera. Jedan vodomjer predviđen je za sanitarnu vodu, drugi vodomjer je planiran za hidrantsku mrežu.
- Fekalne vode iz kontejnera sa sanitarnim čvorom preko revizionih šahtova odvoditi će se u postojeći šaht fekalne gradske kanalizacione mreže.
- Vode sa krovova upajat će se u sistem odvodnje vode sa manipulativnih površina i odvesti do betonskog dvokomornog taložnog šahta (dimenzija cca 9,0x2,0x 2,5 m), a zatim do separatora masti i ulja (klase I, koalescentni separator, izrađen i testiran prema EN 858/DIN 1999-100, nazivne veličine NG 30, kapaciteta 30 l/s, od armiranog betona prema DIN 4281).
- Nakon prečišćavanja u separatoru masti i ulja prečišćena voda će se upuštati u postojeći priključni šaht koji vodu istušta u otvoreni oborinski kanal koji se upaja u potok Krivac.
- Planirani tehnološki proces koji će se odvijati unutar kruga predmetnog poslovnog objekta, obuhvatat će sve potrebne postupke i aktivnosti prema propisanim standardima za proizvodnju mase betona.

U dokaznom postupku utvrđeno je da projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj: UP-1/21-1-40-050-5/22 od 24.02.2022. godine izdatog od strane Agencije za vodno područje rijeke Save, Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama i člana 7. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine Federacije BiH“, broj 6/98, 8/00, 45/10, 43/13).

Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr. sci. Selma Merdan, dipl.inž.geol.

Prilog: Tehnička dokumentacija navedena pod tačkom B. obrazloženja Rješenja

Po ovlaštenju
Rukovodilac sektora za izdavanje vodnih akata

Haris Ališehović, dipl.inž.grad.

Dostaviti:

- „HOLEX“ d.o.o. Živinice
- Kovači br. 14, 75270 Živinice, (Prilog),
- AVP - ISV - Vodna knjiga,
- Sektor 40, arhiva,
- Oglasna tabla AVP - Sava Sarajevo